

LUTRIJA BOSNE I HERCEGOVINE, d.o.o.
UPRAVNI ODBOR

Na osnovu člana 16. Zakona o igrama na sreću („Službene novine FBiH“ br.1/02), i člana 13. Statuta Lutrije BiH („Službene novine F BiH“ br.43/03), Upravni odbor Lutrije Bosne i Hercegovine, d.o.o. Sarajevo, ul. Alije Isakovića br.1. na sjednici održanoj dana 12.01.2010. godine, donio je

P R A V I L A
novčane srećke "DVIJE ŠANSE"

1. OPŠTE ODREDBE

Član 1.

Ovim se Pravilima propisuju uslovi za priređivanje novčane srećke „DVIJE ŠANSE“ (u daljem tekstu: srećka).

Član 2.

Ova Pravila su isključivi zakonski i pravni osnov za zaključivanje ugovora o učešću u igri novčane srećke „DVIJE ŠANSE“ (čl.22. cit.Zakona.)
Ugovor iz stava 1. ovog člana zaključuje se između Lutrije Bosne i Hercegovine, d.o.o. (u daljem tekstu: Priređivač) i učesnika na osnovu prihvata općih uslova propisanih i sadržanih u ovim Pravilima, po slobodno izraženoj volji učesnika, činom kupovine srećke.
Ova Pravila obavezuju ugovorne strane.

2. NAZIV I VRIJEME TRAJANJA IGRE

Član 3.

Novčana srećka „DVIJE ŠANSE“ je igra na sreću s unaprijed utvrđenom visinom fonda dobitaka, u kojoj učesnik skidanjem emulzije sa određenih polja saznaje rezultat igre koji je otisnut u prostoru za označavanje dobitka.

- 2 -

Član 4.

Rok prodaje novčane srećke „DVIJE ŠANSE“ otisnut je na samoj srećki.
Rok prodaje srećke može se produžiti odlukom generalnog direktora Priređivača.

Odluku o puštanju u prodaju svake od serija donosi generalni direktor Priređivača i ista će se objaviti u jednim od dnevnih novina.

3. USLOVI ZA SUDJELOVANJE U IGRI

Član 5.

Učesnikom u igri novčane srećke „DVIJE ŠANSE“ smatra se lice koje je sa Priređivačem zaključilo ugovor iz člana 2. ovih Pravila, u dokaz da posjeduje punovrijednu srećku „DVIJE ŠANSE“ (u svemu u skladu s članom 10. ovih Pravila.)

Srećka glasi na donosioca.

4. PODRUČJE PRIREĐIVANJA IGRE

Član 6.

Novčana srećka „DVIJE ŠANSE“ priređuje se na području Federacije Bosne i Hercegovine.

5. POJEDINAČNA CIJENA SREĆKE

Član 7.

Cijena jedne srećke je 1 KM.

6. KOLIČINA I NOVČANA VRIJEDNOST EMISIJE SREĆKE

Član 8.

Novčana srećka "DVIJE ŠANSE" se emituje u serijama.
Jedna serija sadrži 2.000.000 (dva miliona) komada srećaka.
Novčana vrijednost emisije srećaka iznosi 2.000.000 KM.
Odluku o broju serija donosi generalni direktor Priredjivača.

7. VISINA FONDA I VRSTE DOBITAKA

Član 9.

Fond dobitaka iznosi 60% emisije vrijednosti ili 1.200.000 KM, a iznos se dijeli na 532.080 dobitaka.

U fond dobitaka ove srećke za dobitke sa oznakom „2x“ izdvaja se iznos od 120.000 KM i to iz fonda neisplaćenih dobitaka.

Fond dobitaka serije se raspoređuje po slijedećem planu:

80 x	1.000	=	80.000 KM
4.000 x	100	=	400.000 KM
8.000 x	10	=	80.000 KM
120.000 x	2	=	240.000 KM
400.000 x	1	=	400.000 KM
<hr/>			
532.080			1.200.000 KM
Iznos za dvostruki dobitak /"2x"/ 120.000 KM			

8. OPIS SREĆKE

Član 10.

Srećka je pravougaonog oblika i rađena je u više boja.

a/ prednja strana srećke sadrži: logo Lutrija Bosne i Hercegovine, naziv srećke "DVIJE ŠANSE", tri polja prekrivena emulzijom sa natpisima: „novčani dobitak“, „ogrebi za šansu“, „ne skidaj“ bar kod koji sadrži šifru, redni broj serije i serijski broj srećke i oznaka cijene srećke.

b/ na poledini srećke:

Logo Lutrija Bosne i Hercegovine

NOVČANI DOBITAK:

Ukoliko se po skidanju emulzije sa polja označenog „novčani dobitak“ pojave tri ista iznosa a u polju „ogrebi za šansu“ pojavi oznaka „1 x“, ostvaruje se dobitak u jednostrukom iznosu.

Ukoliko se po skidanju emulzije sa polja označenog „novčani dobitak“ pojave tri ista iznosa a u polju „ogrebi za šansu“ pojavi oznaka „2 x“, ostvaruje se dobitak u dvostrukom iznosu.

Iz fonda neisplaćenih dobitaka izdvaja se iznos od 120.000 KM za dvostruki dobitak.

SREĆKA JE NEVAŽEĆA AKO JE OŠTEĆEN DIO EMULZIJE SA NATPISOM „NE SKIDAJ“.

EMISIJA 2,000.000 SREĆAKA

FOND DOBITAKA IZNOSI 60% /emisione vrijednosti/ + 120.000 KM / iz fonda neisplaćenih dobitaka/.

PLAN DOBITAKA UTVRĐJEN U SKLADU SA ČLANOM 9. PRAVILA

Rok prodaje: 31.12.2010. godine.

PRIREĐIVAČ: LUTRIJA BiH, d.o.o 71000 Sarajevo, ul. A. Isakovića br. 1.

Podaci o dobitniku, za oporezive dobitke

9. UTVRĐIVANJE DOBITAKA

Član 11.

Igrač utvrđuje dobitak skidanjem emulzije na naznačenim poljima sa srećke. Rezultat, odnosno dobitak, odštampan je na svakoj srećki u skladu sa članom 10. ovih Pravila.

Igrač u igri nije dužan uzeti srećku na kojoj su vidljivi znaci oštećenja.

10. NAČIN I ROK ISPLATE NOVČANIH DOBITAKA

Član 12.

Pri isplati dobitaka učesnik je dužan predati Priređivaču punovrijednu srećku.

Punovrijedna dobitna srećka je ona srećka koja sadrži navedene elemente u članu 10. ovih Pravila, tako da se može nedvojbeno utvrditi dobitak.

Dobitke isplaćuju: prodajna mjesta i blagajna Lutrije BiH.

Uz predaju srećke, učesnik je dužan prilikom isplate, na zahtjev ovlaštene osobe koja obavlja isplatu, predati na uvid svoju važeću ličnu kartu ili pasoš.

Član 13.

Porez na novčani dobitak snosi učesnik koji je ostvario dobitak na srećki. Priređivač će obustaviti i uplatiti porez na dobitak.

Član 14.

Pravo na naplatu dobitka zastarijeva po isteku roka od 30 dana od zadnjeg dana određenog za prodaju srećke od strane Priređivača.

- 5 -

Član 15.

Priredivač ne snosi odgovornost za srećke koje su na bilo koji način nestale ili oštećene u toku prodaje, u kojem slučaju se smatra da je prodavač ili zastupnik kupio sve srećke za koje tvrdi da su nestale, ukradene, izgubljene ili oštećene.

Član 16.

Ispod emulzije na kojoj je napisano "NE SKIDAJ" se nalazi šifra. Priredivač čuva tajnost šifre.

11. NAČIN UPOZNAVANJA UČESNIKA U IGRI S OVIM PRAVILIMA

Član 17.

Ova Pravila nalaze se na svim prodajnim mjestima Priredivača. Osobama zainteresiranim za sudjelovanje u igri novčane srećke „DVIJE ŠANSE“, Priredivač je dužan omogućiti upoznavanje s ovim Pravilima, odnosno dati ih na uvid.

12. PRELAZNE I ZAVRŠNE ODREDBE

Član 18.

Za rješavanje eventualnih sporova, proisteklih iz učešća u igri na sreću, nadležan je Općinski sud u Sarajevu.

Član 19.

Ova Pravila stupaju na snagu danom donošenja, a primjenjivaće se puštanjem u prodaju 1. serije srećke „DVIJE ŠANSE“, i ista će se objaviti u jednim od dnevnih novina.

Broj: 01-23-18-7/10.

Dana: 13.01.2010.godine

PREDSJEDNIK

Zdravko Rajić, s.r.

